




ДУЛААНЫ БАТЛАВ
"ДЦС-3" ТӨХК-ийн Гүйцэтгэх
Захирал

Г. ДАМДИНСҮРЭН/



БАТЛАВ
"Билэгт Багана" ХХК-ийн
Захирал

М. Дамдинсүрэн / Ц. Амарсайхан/

ӨНДӨР ДАРАЛТЫН ГАН ХААЛТ ХУДАЛДАХ, ХУДАЛДАН АВАХ ГЭРЭЭ

2017 оны 04-р сарын 07-ны өдөр

№ 24-171/17

Улаанбаатар хот.

Ерөнхий зүйл

Нэг талаас "Дулааны 3 дугаар цахилгаан станц" Төрийн өмчит хувьцаат компани /цаашид "Захиалагч" гэх/-г төлөөлж Тэргүүн дэд захирал Ү.Төмөрхуяг, нөгөө талаас "Билэгт багана" ХХК, "СММ" ХХК-ийн түншлэлийг /цаашид "нийлүүлэгч" гэх/-ийг төлөөлж "СММ" ХХК-ийн захирал Б.Болдбаатар нар Монгол Улсын Иргэний хууль, Төрийн болон Орон нутгийн өмчийн хөрөнгөөр бараа, ажил, үйлчилгээ худалдан авах тухай хууль болон Дулааны 3 дугаар цахилгаан станц ТӨХК-д Өндөр даралтын ган хаалт нийлүүлэх гүйцэтгэгчийг сонгон шалгаруулах Үнэлгээний хорооны 2017 оны 03-р сарын 06-ны өдрийн М-02/02-2017 тоот хурлын шийдвэр, Үнэлгээний хорооны М-07/12/2017 тоот зөвлөмжийг үндэслэн эрх тэгш харилцан ашигтай байх зарчмыг баримтлан харилцан тохиролцож энэхүү гэрээг байгуулав.

Нэг. Гэрээгээр нийлүүлэх зүйл, нөхцөл

- 1.1. Нийлүүлэгч нь М-07-2017 дугаартай Өндөр даралтын ган хаалт /цаашид "бараа" гэх/-ыг энэхүү гэрээний салшгүй хэсэг болох 1-р хавсралтад заасан нэр төрөл, тоо хэмжээ, стандартын дагуу СИП-Улаанбаатар "ДЦС-3" ТӨХК-ийн агуулах нөхцлөөр нийлүүлнэ.

Хоёр. Нийлүүлэх хугацаа

- 2.1. Нийлүүлэгч нь барааг тендерийн үндсэн баримтын дагуу гэрээнд хоёр талын гарын үсэг зурснаас хойш 90 хоногт багтаан нийлүүлнэ.

Гурав. Үнэ, төлбөрийн нөхцөл

- 3.1 Энэ гэрээний нийт үнэ 618,231,099,00 /зургаан зуун арван найман сая хоёр зуун гучин нэгэн мянга ерэн ес/-н төгрөг бөгөөд үнийн дүнд гааль, онцгой татвар, УБ "ДЦС-3" ТӨХК-ийн агуулах нөхцлөөр даатгал, тээврийн зардал, НӨАТ бүгд багтсан байна. Гэрээний үнэ тогтмол байна.
- 3.2 Барааг нийлүүлж гэрээ дүгнэсэн акт батлагдсаны дараа хүлээн авсан барааны төлбөрийг Захиалагч Нийлүүлэгч талд 30 хоногт багтаан төлнө.
- 3.3 Захиалагч нь гэрээний үнийг гэрээний гүйцэтгэлийн баримт бичгийг үндэслэн Нийлүүлэгчийн төлбөрийн нэхэмжлэлийн дагуу Нийлүүлэгчийн дансанд төлнө.

Дөрөв. Талуудын хүлээх хариуцлага

- 4.1 Нийлүүлэгчийн буруугаас бараа нийлүүлэх гэрээнд заасан хугацааг хожимдуулснаас тоноглолын засварын хугацааг сунгах, хэрэглэгчдийг эрчим хүчээр тасалдуулах, хязгаарлахад хүрсэн бол үүнээс үүдэн гарсан хохирлыг Нийлүүлэгч нь захиалагчийн өмнө бүрэн хариуцна.
- 4.2 Нийлүүлэгчийн буруугаас бараа нийлүүлэх хугацааг хожимдуулсан хоног тутамд гүйцэтгээгүй үүргийн үнийн дүнгийн 0,1 хувьтай тэнцэх алдангийг захиалагчид төлөх

ба гэхдээ нийт алдангийн дүн нь хүлээгдэж байгаа гүйцэтгэлийн үнийн дүнгийн 25 хувиас хэтрэхгүй байна. Алданги тооцож эхэлсэн тухайгаа нийлүүлэгчид захиалагч мэдэгдэнэ

- 4.3 Захиалагч нь бараа хүлээн авсны дараах төлбөрийн хугацааг хожимдуулбал хожимдсон хоног тутамд хүлээгдэж байгаа төлбөрийн 0.1 хувьтай тэнцэх алдангийг Нийлүүлэгчид төлөх ба гэхдээ алдангийн дүн нь гэрээний хүлээгдэж байгаа төлбөрийн үнийн дүнгийн 25 хувиас хэтрэхгүй байна. Алданги тооцохоо захиалагчид нийлүүлэгч бичгээр мэдэгдэнэ.
- 4.4 Хэсэгчлэн нийлүүлэгдээгүй барааны үнийн дүн гэрээний үнийн дүнгийн 25 хувиас их буюу бүх бараа нийлүүлэгдээгүй тохиолдолд гэрээний гүйцэтгэлийн баталгааг захиалагч талд үл маргах журмаар шилжүүлнэ.
- 4.5 Барааг ДЦС-3 ТӨХК-ийн хашаанд ирсний дараа тус компанийн холбогдох ИТА шалгах ба металл шинжилгээний лабораториор шалгуулж, хариуг үндэслэн шинжилгээний хариу техникийн тодорхойлолтод заасан хэмжээнд хүрсэн тохиолдолд буулгахыг зөвшөөрнө. Бараа техникийн үзүүлэлтэнд хүрээгүй тохиолдолд барааг буцааж гүйцэтгэлийн баталгааг нь Захиалагч тал нийлүүлэгч талд олгохгүй.

Тав. Бараа, бүтээгдэхүүний чанар, сав, баглаа боодол

- 5.1 Нийлүүлэгчийн нийлүүлэх бараа нь энэхүү гэрээний салшгүй хэсэг болох 2-р хавсралтанд заасан техникийн тодорхойлолт, техникийн нөхцөл хэмжээг бүрэн хангасан байна.
- 5.2 Нийлүүлэх бараа нь 2016 оноос хойш үйлдвэрлэгдсэн, хадгалалтын үед хийгдэх үйлчилгээ хийгдсэн байна.
- 5.3 Бараа нь тээвэрлэлт, хадгалалтын үед эвдэрч гэмтэхээс бүрэн хамгаалсан сав, баглаа боодолтой байна.
- 5.4 Бараа нь Захиалагчид хүлээлгэн өгөх үед энэхүү гэрээгээр тодорхойлсон шинж чанарт нийцэж байвал зохих бөгөөд цаашид технологийн горим, зориулалтын дагуу ашиглах хугацаанд мөн шинж чанараа алдахгүй байх ёстой.
- 5.5 Нийлүүлсэн барааны чанарт ямар нэг дутагдал илэрвэл түүнийг засах, сольж өгөхийг Захиалагч шаардах ба Нийлүүлэгч уул шаардлагыг биелүүлэх үүрэгтэй.
- 5.6 Нийлүүлэгч нь нийлүүлсэн барааг ашиглаж эхэлсэн өдрөөс хойш 6 сарын хугацааны баталгаа гаргана. Нийлүүлэгчийн үйл ажиллагаатай холбогдон гарсан гэмтэл, согогийг өөрийн зардлаар засаж залруулах үүрэгтэй.
- 5.7 Барааны баглаа, боодол дараах байдлаар хаяглагдсан байна.
 - Гэрээний дугаар
 - Баглаа боодлын тоо, дугаарыг хүртвэр хуваарьт бичнэ.
 - Цэвэр жин
 - Бохир жин
 - Барааны нэр
 - Хүлээн авагчийн хаяг
 - Ачаа илгээгч
- 5.8 Барааг дараах бичиг баримт дагалдана.
 - Савлалтын хуудас 3 хувь
 - Чанарын гэрчилгээ 3 хувь
 - Барааны гарал үүслийн гэрчилгээ 3 хувь

Зургаа. Барааг хүлээн авах

- 6.1 Нийлүүлэгч нь бараа ачигдсан тухай нотлох бичиг баримтыг бараа ачигдсанаас хойш 48 цагийн дотор захиалагчид мэдэгдэнэ.
- 6.2 Нийлүүлэгч нь барааг захиалагчид хүлээлгэн өгөх хүртлэх тээврийн болон бусад бүх зардлыг хариуцна.

Долоо. Давагдашгүй хүчин зүйлс

- 7.1 Гэрээг хэрэгжүүлэх явцад улс төрийн хориг, байгалийн гамшиг, хорио цээр тогтоох, цэргийн үймээн, төрийн эргэлт, ажил хаялт болон бусад нөхцлүүд бий болсноос үүдэж гэрээний нөхцлүүд хэсэгчлэн буюу бүрэн биелээгүй тохиолдолд хоёр талын аль нь ч хариуцлага хүлээхгүй.
- 7.2 Давагдашгүй хүчин зүйлийн нөхцлүүд гарч эхэлсэн тохиолдолд 10 хоногийн дотор талууд бие биедээ бичгээр мэдээлж цаашид хэрхэн ажиллах талаар зөвлөлдөнө.

Найм. Гэрээг цуцлах үндэслэл

- 8.1 Нийлүүлэгч нь бараа материал нийлүүлэх хугацааг энэхүү гэрээнд зааснаас 10 хоногоор хэтрүүлсэн тохиолдолд Захиалагч гэрээ цуцлах тухай мэдэгдлийг Нийлүүлэгчид албан ёсоор бичгээр өгнө. Нийлүүлэгч нь уг мэдэгдлийг хүлээн авснаас хойш 7 хоногийн дотор зохих хариуг өгч тодорхой арга хэмжээ авахгүй тохиолдолд Захиалагч нь гэрээг цуцлах эрхтэй ба Гүйцэтгэлийн баталгааг буцаан олгохгүй.
- 8.2 Нийлүүлэгч нь энэхүү гэрээгээр хүлээсэн үүргээ удаа дараа буюу ноцтой зөрчсөнөөс бусад тохиолдолд Захиалагч нь энэхүү гэрээний үйлчлэлийг дуусахаас өмнө тасалдуулахгүй.

Ес. Бусад нөхцөл

- 9.1 Талуудын аль нэг нь нөгөөдөө гэрээтэй холбогдох мэдээлэл солилцох тохиолдолд мэдээллийг авсан тал хуанлийн 7 хоногт багтаан нөгөө талдаа тавьсан асуудлаар тодорхой хариу өгнө.
- 9.2 Талууд аль нэгийгхээ зөвшөөрөлгүйгээр энэхүү гэрээг гурав дахь талд шилжүүлэхийг хориглоно.
- 9.3 Гэрээг монгол хэл дээр 4 хувь үйлдэж захиалагч тал 2 хувь, нийлүүлэгч тал 2 хувийг авах бөгөөд хувиуд нь ижил тэгш хүчинтэй.
- 9.4 Гэрээнд хоёр тал гарын үсэг зурсан өдрөөс эхлэн хүчин төгөлдөр болно.
- 9.5 Хуулинд заасан нөхцлөөр гэрээнд талууд харилцан тохиролцсоны үндсэн дээр бичгээр үйлдсэн гэрээний хэлбэрээр нэмэлт өөрчлөлт оруулж болох бөгөөд эх хувьд баллаж засварласан буюу гараар нэмж бичсэн болон бусад энгийн аргаар хийсэн аливаа оруулга, засвар, нэмэлт бичилтийг хүчинтэйд тооцохгүй.
- 9.6 Энэхүү гэрээнд шууд заагаагүй бусад аливаа асуудлыг Монгол Улсын хүчин төгөлдөр мөрдөж байгаа хууль тогтоомжийн дагуу шийднэ.
- Энэхүү гэрээ нь Үндсэн гэрээ 3 хуудас, Хавсралт 7 хуудас, нийт 10 хуудаснаас бүрдэнэ.

Арав. Талуудын хаяг

Захиалагч

Банк: ХХБ 806-р салбар
Төгрөгийн данс: 406001038
Валютын данс: 406005930
Захиалагчийн хаяг:
Хан-Уул дүүрэг 3-р хороо
ДЦС-3 ТӨХК-ийн байр
Факс: 976-11-367288

Нийлүүлэгч

Банк: Голомт
Төгрөгийн данс: 1501123826
РД: 5169941
Нийлүүлэгчийн хаяг:
УБ хот, СБД, 3-р хороо,
5-р хороолол, 18-38 тоот
Утас: 99101891, 317219

ГЭРЭЭ БАЙГУУЛСАН:

"ДЦС-3" ТӨХК-ИЙН ТЭРГҮҮН ДЭД
ЗАХИРАЛ, ЕРӨНХИЙ МНЖЕНЕР
...../У.ТӨМӨРХУЯГ/

"СММ" –ИЙН ЗАХИРАЛ
...../Б.БОЛДБААТАР/

СБХ-ИЙН ДАРГА
..... Л. ДОРЖХОРЛОО/

ХАНГАМЖИЙН ХЭЛТСИЙН ДАРГА
Б. Эрденэ /Б. ЭРДЭНЭ/

СБХ-ИЙН ЕРӨНХИЙ НЯ-БО
..... /Ч. ЧУЛУУНЧИМЭГ/

ГЭРЭЭНИЙ МЭРГЭЖИЛТЭН
Г. Батням /Г. БАТНЯМ/

ХУУЛИЙН МЭРГЭЖИЛТЭН
..... /Ч. ЭНХЗУЛ/

"БИЛЭГТ БАГАНА" ХХК-ИЙН
ЕРӨНХИЙ ИНЖЕНЕР

Д. Эрдэнэцэцэг /Д. ЭРДЭНЭЦЭЦЭГ/
"БИЛЭГТ БАГАНА" ХХК-ИЙН
НЯГТЛАН БОДОГЧ
Г. Майнбаяр /Г. МАЙНБАЯР/